



藏經書院版

卍  
續藏經

第 124 冊

中國撰述

禪宗語錄別集部

新文豐出版公司  
印行



佛尼牟迦釋師本無南



# 卍續藏經第一二四冊目錄

新文豐出版公司影印卍續藏經會編印

## 中國撰述 禪宗語錄別集部

元叟行端禪師語錄 八卷	門人 法林禪墨 祖銘梵琦等編	0001
楚石梵琦禪師語錄 二十卷	門人 文晟正隆善成 文斌中端正參等編	0071
愚菴智及禪師語錄 十卷	門人 觀通溥震正除 希顏忻悟至寶等編 寶盈慧鏡道弊	0301
南石文秀禪師語錄 四卷	門人 宗謐妙門復初 廷瓌良均等編	0377
投子義青禪師語錄 二卷	傳法自覺重編	0443
投子義青禪師語錄 一卷	嗣法道楷編	0479
丹霞子淳禪師語錄 二卷	嗣法 慶預校勘 小師 慶預校勘	0486
虛堂集 六卷	宋子淳頌古 元行倫評唱	0514
真歇清了禪師語錄 二卷上卷切外錄下卷拈古	侍者德初義初等編	0619

天童正覺禪師廣錄 九卷 ..... 侍者 宗法宗榮法澄  
宗信法潤信悟 ..... 0657

中翼疊像清萃  
法恭道京淨覺

淨慈慧暉禪師語錄 六卷 ..... 弟子 明總 下語  
了廣 寄言 ..... 0912

文素妙宗唯敬

天童如淨禪師語錄 二卷 ..... 侍者 如玉智湖祖日  
義遠德霑清茂 編 ..... 0957

德 祥

天童如淨禪師續錄 一卷 ..... 嗣法義 遠編 ..... 0984

雲外雲岫禪師語錄 一卷 ..... 小師士 慘編 ..... 0992

11/15/03

徑山元叟端禪師語錄序

古尊宿出世爲人舉目動容莫非開示坐大道場參學衆多辯詰證據不能無所言說門人弟子竊錄而藏之以相傳示其來尙矣前輩凋零舊規漸泯強辭之流掇拾文具則亦無所逃於人天之衆矣是以識者有慨慕古人之意焉。徑山老人端公元叟以盛德令聞一坐二十餘年。四衆安隱年垂九十耳聰目明舉揚宗風曾不少懈。飽參宿學無不歸之。歸然靈光環視四海一時未或有能出其右者矣。山之第一座正印本蒙古人久親棒喝契證特深。過予山中出師四會語錄以相示。因相與歎曰。大慧晚得佛照。經二百年而至於師。纔三傳耳。耆年尊行不復他見。且徑山自宋南渡以來。地望最重。以大慧前後兩居之。僅七年無準居十八年。然以道處逆爲順。經營勞瘁所不免。未有如師之坦然泊然者也。印曰。昔眞淨語。穎濱蘇公序之。應菴語。松憲錢公序之。徑山之言。公得無情乎。予曰。穎濱於眞淨。松憲於應菴。皆有往來之舊。是以言無愧辭。集之顯蒙固陋。何足以望二公。然

於徑山仰其崖峻而以莫之卽爲歎。敢爲序乎。印且曰。此其正可以序者也。乃喜爲之言曰。偏見常識。殆不足以鎮壓茲山。今師之言波瀾汪洋。門庭恢拓。廣說略說。莫不弘偉。如春雷發聲。昆蟲振作。長風被坂。草木欣榮。至於關要隱而不發。以待其人大慧之流風餘韻。猶有如此者矣。譬諸名藩鎮以宿將隱然持重。風霆不驚。握機行令。舒卷由己。猶足使方城連戍有所仰放。而不敢違越。況師大機大用。提臨濟正印。續佛慧命者乎。因書以遺之。

皆

至正元年三月十三日微笑居士雍虞集序

重刻元叟端禪師四會語題辭

寂照和尙元叟端公。旣示寂。金華黃文獻公爲銘。其塔蜀郡虞文靖公爲序。其四會語二公以文辭名天下。亦云備矣。其入室弟子清涼子樾。金山慧明天寧祖闡。復合辭請曰。舊刊所錄。先師語不幸燬于兵。然非此無以見道之所存。竊懼不傳。子樾三人者。已協



力命印生重雕之矣。敢重以首簡請爲序。雖然序猶可略也。先師事蹟多涉神異。狀行者輒諱而不書。神異之事。大乘者固所不樂聞。苟錄以示入道之士。亦足以起其正信。初何傷乎。願併識之。序中濂不敢辭。稽子樞等言。公平頂古貌。眼光鑠人。領下數髻。磔立凜然。雪後孤松坐。則挺峙。行不旋顧。英風逼人。凜如也。所過之處。衆方謹謹。如雷聞履聲。輒曰。端書記來矣。噤默如無人。賓友相從。未嘗與談。人間細故。舍大法不發一言。秉性堅凝。確乎不可拔。自爲大僧。至化滅。無一夕脫衣而寢。其從南屏歸。化城受經。夏夕啓。窻而臥。忽一梵僧飛錫而來。與談。般若樞要。疊疊不絕。未幾騰空而去。虎巖師主雙徑。時嘗言道。家者流。有上章謁帝者。其還甚遲。因叩之。答云。爲選徑山四十八代住持。故天閣久不開。爾公正符其數。公朝京師。夢徑山潭龍君持金匙。舉食。食公數凡十。又入公主法席。實十八春秋也。公將示滅。所剪爪髮。留瘞。化城。幻有菴。逮啓視之。設利曇曇然生矣。公之遺事。有若此者。皆宜補書。以見於世。不可略也。蓋公道契佛。

祖名震華夏。誠堪與問氣之所鍾。其祥應之至。亦出自然。非苟涉於神怪者比也。文獻所謂門庭之盛。規重矩疊。法雷普震。裂地轟天。文靖所謂。譬諸名藩。鎮以宿將。隱然持重。風霆不驚。握機行令。舒卷自由。足以使方城連戍有所仰。放不敢踰越。其言試不誣哉。濂何敢復贊一辭。頗念文靖之學。粗聞而知之。又執弟子之役於文獻之門者。最久。於是勦其緒論。重申之。如此嗚呼。公之四會語。其尙假濂文以傳之哉。子樞字用堂。慧明字性原。祖闡字仲猷。皆設化一方。黑白咸歸。仰云。

洪武七年冬十月朔。翰林侍講學士中順大夫知制誥同修國史兼太子贊善大夫金華宋濂序。

元叟端禪師語錄目錄

卷首

序文

卷一



湖州翔鳳山資福禪寺語錄

卷二

杭州中天竺萬壽禪寺語錄

卷三

杭州靈隱景德禪寺語錄

卷四

杭州徑山興聖萬壽禪寺語錄

卷五

法語

卷六

偈頌讚

卷七

題跋

卷八

題跋

卷尾

塔銘

元叟端禪師語錄目錄終

慧文正辯佛日普照元叟端禪師語錄卷第一

住湖州路翔鳳山資福禪寺語錄

門人 法林等 編

師於大德四年八月二十八日徑山寺楞伽室受請  
九月十日入院指山門云無盡藏神通門無盡藏解  
脫門今日向者裏八字打開蝦蟆跳上梵天蚯蚓熬  
過東海

佛殿玉毫徧照十方金色普輝千界便禮拜

據室拈拄杖掣開金殿鎖撞動玉樓鐘不是吾家種  
草高高峯頂立深深海底行卽非本分衲僧師子兒  
吒沙地哮吼一聲壁立千仞腦後猶欠一椎靠拄杖  
便起

院疏此是宣政諸官當面所付謂之金剛秘密三昧  
魔外以之殄除正宗以之光顯

檀越疏孤峯頂上天不知地不管因甚被者箇勾引  
出來過去阿僧祇劫與合府豪俊同修無上佛果菩  
提

指法座此普光明華藏師子之座盡十方世界無一人不大坐其中茲者特地高升正是畫地添足

拈香此香蟠根錯節在威音王佛以前續燄聯芳居迦文世尊之上薰向寶爐端為祝延大元世界主當

今皇帝聖躬萬歲萬歲萬歲陛下恭願統百億香水海為一福海永無窮聚百億須彌山為一壽山

巍巍不動次拈香云大慧師祖道寧以此身代大地衆生受地獄苦終不將佛法當人情徑山先師藏叟

和尚一生不肯四天下人縱饒釋迦老子達磨大師到來也須退身有分山僧昔年在侍者寮兩年弄盡

機關做盡伎倆直是沒湊泊它處所以知其為大慧適孫今有炷香供養它也要大家證明垂語云拈一

機則千機萬機頓赴如刻人糞作旃檀香舉一句則千句萬句朝宗似持蠡量大海水莫有淨保保亦

洒洒獨脫無依底麼出來共相證據有僧出問云崢嶸象駕下龍淵翔鳳山中坐寶蓮時節因緣且休說

願聞一句祝堯天師云風不鳴條雨不破塊僧云三聖和尚道我逢人則出出則不為人興化和尚道我

逢人則不出出則便為人意旨如何師云雞銜燈籠走驚咬釣魚竿僧云為人不可為人則且止如何是逢

人出底句師云知僧云逢人出不出則且止如何是為人底句師云切僧云天人羣生類皆承此恩力師

云知恩者少僧云未離雙徑時如何師云耳朶兩片皮僧云離雙徑後如何師云牙齒一具骨僧云龍吟

霧起虎嘯風生師云閑言長語僧云未到鳳山時如何師云一徑松杉老僧云到鳳山後如何師云千峯

氣象雄僧云天垂寶蓋地湧金蓮則人人知有未審新鳳山今日說甚麼法師豎起拂子云說者箇法僧

云我此九部法隨順衆生說灣師云錯了也僧云行中書省行宣政院本路僧俗諸官諸山宿德諸大檀

越各以疏語敦請和尚築鎮茲山且應緣利物一句作麼生道師云一雨普滋三草二木僧云有心用處

還應錯無意求時却宛然師云莫將鶴唳誤作鷲啼僧禮拜師乃云山河大地草木叢林晝夜常作師子

吼聲普為天人羣生開演無上微妙解脫法門於斯若也擔荷得去不可說不可說微塵數劫以至如今

若佛若魔若聖若凡一一無差一一明了其或情存  
限量墮在見聞不免向虛空重加彩畫去也豈拂子  
云菩提達磨從南天竺國來至中華傳此上乘一心  
之法在天同天在地同地在僧同僧在俗同俗在當  
今聖天子則以本自在大願力示現克紹金輪寶位  
百億須彌盧百億香水海日月所照風雨所至悉稟  
威靈咸歸化育在合朝諸勳貴則以本自在大願力  
各樹大功各成大業爲忠爲孝爲武爲文爲王室股  
肱爲生民父母在合郡諸宿德則以本自在大願力  
明大機顯大用爲擒爲縱爲卷爲舒爲金剛寶幢爲  
摩醯正眼在法筵諸淨信等則各以宿昔所種善根  
萬別千差皆與實相不相違背在鳳山新長老畢竟  
如何擊拂子切忌鑽龜打瓦復舉府主王常侍請臨  
濟開堂升座云著約祖宗門下稱揚大事沒備開口  
處沒備措是處此日以常侍堅請那隱綱宗時有僧  
出云師唱誰家曲宗風嗣阿誰濟云我在黃鸞處三  
度發問三度被打僧擬議濟便喝復打云不可向虛  
空中釘橛去也師云常侍不忘付囑爲法求人臨濟

大樹一株陰涼天下敢問大衆是有綱宗可隱無綱  
宗可隱謂有綱宗可隱埋沒臨濟老師謂無綱宗可  
隱孤負常侍府主總不與麼者僧因甚被打拈拄杖  
畫一畫云石牛欄古路一馬生三寅  
小參世出世間一切諸法本無虛實色不曾道我是  
色聲不曾道我是聲香味觸法名身身悉皆如是  
只爲備無量劫來惡業濃厚善根淺薄被色換了被  
聲換了被香味觸法名身身換了有諸佛可慕有  
衆生可厭有天堂可欣有地獄可怖在名言句義中  
如蠶作繭相似沒箇出頭處山僧今夜到來若更說  
佛說法說心說性廣陳蹊徑巧述言辭禹泉亭又如  
何鳳山關又如何則是名句上更加名句其利固無  
其害甚重時光可惜時不待人大家討較明白作箇  
洒洒落落衲僧豈不慶快生平復學二祖問達磨云  
諸佛法印可得聞乎磨云諸佛法印匪從人得祖云  
我心未寧乞師安心磨云將心來與汝安祖云覓心  
了不可得磨云與汝安心竟師頌云十萬里來非易  
事有何佛法可傳持山堂夜靜蒲團冷汝等諸人合

自知

上堂。卽心卽佛。蜜果換苦葫蘆。非心非佛。寶器貯於不淨。不是心。不是佛。不是物。鄭州出曹門。且喜沒交涉。拈拄杖云。拄杖子。鑽過北轡。單越走入西瞿耶尼。向翔鳳山中。與雲吐霧去也。卓一卓。大洋海底火發。燒却嘉州大像。領下眉毛。復卓一卓。下座。

上堂。達磨是老臊胡。釋迦是乾屎橛。文殊普賢是擔糞漢。等妙二覺。是破戒凡夫。菩提涅槃。是繫驢橛。十二分教。是鬼神簿。四果三賢。初心十地。是守古塚。鬼直饒與麼見得。也是錯認定盤星。

上堂。謝寶中原。藏主舉大珠和尙云。貧道聞江西和尚道。自家寶藏一切具足。使用自在。不假外求。從此一時休去。乃至盡十方世界。無纖塵不是自家財寶。師云。馬師一期與麼說。大珠一期與麼聞。終身不忘。得大受用。苟非深信堅固。安能透頂透底。如此中原藏主。昔年於古鄮山中。顯示此箇法門。還有深信堅固。得大受用者麼。此日特承光降。幸望欸留。上堂。薙髮著袈裟。宜應行聖道。自餘閑禩事。俱爲生

死。因著衣喫飯。是閑禩事。觀山翫水。是閑禩事。菩提涅槃。真如解脫。是閑禩事。畢竟喚甚麼作聖道。擊拂子。姪女已歸霄漢去。獸郎猶向火邊踰。

元宵上堂。并謝監收浴主。維那千粒萬粒。從一粒生。只者一粒。從甚處生。千燈萬燈。從一燈起。只者一燈。從甚處起。識得一燈。千燈萬燈。燈燈不疑。識得一粒。千粒萬粒。粒粒無疑。三脚驢子。弄蹄行踏。破無邊香水海。拈拄杖。卓一卓。頂門也少者。一槌不得。

上堂。今朝三月初一。一春之事。將畢。菜麥青黃。滿川四野。和風襲襲。歷劫直至如今。絲毫何曾走失。可憐。懵懂癡流。剛自嗽啾啾。下座。

爲聚淨人。下火不是風動。不是幡動。此是盧行者。坐斷人舌頭底。句直下。如大火聚。近之則燎。却面門。道舊至上堂。青山白雲裏。客來無可迎。草藥帶煙。掘野茶和露烹。磐陀石上坐。長嘯時一聲。擊拂子。下座。朝廷看藏經。滿教上堂。毗盧藏中有大經。卷量等三千大千世界。書寫三千大千世界中事。悉盡無餘。今上皇帝。以清淨天眼。觀此大經。卷在一微塵中。敦遣

使臣頒降御香命天下僧員破此一塵出此經卷普使法界有情知一一塵中有如是經卷一一經卷有如是章句一一章句有如是妙義一一妙義有如是奇特如是殊勝如是廣大如是在今朝滿散之次仍命山僧升于此座舉揚無上般若表幟上頂功德所有種種法門智慧海種種因果德相海種種進修行願海種種教導方便海種種依正究竟海種種互融攝入海不可說不可說種種功德光明海普用回向真如實際莊嚴無上佛果菩提四方銷兵革之憂萬民樂畊桑之業正與麼時八表來朝萬邦入貢一句作麼生道但見皇風成一片不知何處是封疆上堂心不是佛兔馬有角智不是道牛羊無角鷲拈拄杖畫一畫云一夜落華雨滿城流水香浴佛上堂指天指地稱第一胞胎曾出向今朝雲門打殺與狗喫翔鳳山僧惡水澆示衆兄弟此箇夢幻穀子一呼吸間便歸無常向此娑婆界上覓箇甚麼物作依倚憑仗有什麼佛法禪道可學有甚麼玄解義路可求設有求得學得底試

拈出一絲頭看直饒壓得一肚皮口裏說得一堆一擔也只虛頭詐僞妄想記憶中來臘月三十日一點也用不著何如直下無事向自己衣單下密密體會取好豈不見古人云參須實參悟須實悟闍羅大王不怕多語

結夏上堂二千二百五十年前光明藏中金口親曾付囑二千二百五十年後比丘行端其當顯示護生須是殺殺盡始安居會得箇中意鐵船上浮

上堂舉僧問風穴如何是佛穴云丈林山下竹筋鞭師頌云丈林山下竹筋鞭疑殺禪和萬萬千唯有首山提得起新婦騎驢阿家牽

上堂謝夏齋秉拂雪峯和尚云演一句則千句萬句流通拈向一邊飲一味則千味百味具足置之一壁雪峯低頭歸庵巖頭聞云雪峯與我同條生不與我同條死且作麼生臨朕磁井底種林禽今年桃李賈一顆直千金

爲別谷和尚入祖堂白雲作叢林紀綱以達磨居中開山居左百丈居右天下依而行之絲毫無有紊亂

別谷和尚在茲山為二十六代涓以此日居于此堂  
晨香夕燈其永無替

為此上座下火此虛妄身若無六塵則不能有火裏  
螞蟻吞却山河大地了也今者妄身當在何處

上堂謝首座維那金槌未動以前大地山河百雜碎  
玉塵未揮之際森羅萬象盡交參般人以柏周人以  
栗家住海門東黃昏候日出

上堂舉僧問南泉摩尼珠人不識如來藏裏親取得  
如何是藏泉云王老師與汝往來者是藏僧云直得  
不往不來時如何泉云亦是藏僧云如何是珠泉召  
僧僧應諾泉云去汝不會我語師云南泉雖一時縱  
奪可觀爭奈摩尼珠被者僧撼碎了也山僧不惜眉  
毛露箇消息也要諸方檢責拈拄杖即今還有問話  
者麼

解夏上堂四月十五日結拈拄杖左卓一卓諸方向  
者裏禁足安居七月十五日解拈拄杖右卓一卓諸  
方向者裏休夏自恣空劫前無佛名無衆生名結又  
結箇甚麼解又解箇甚麼靠拄杖便下座

上堂月湛雲澄覺海秋魚龍蝦蟹任沈浮千尋鐵網  
高懸者應笑禹山祇直鉤

聖節啓建上堂一佛出現千佛讚揚一華開敷千葉  
周而一人端拱無為八表來朝萬邦入貢只如林下  
道人共樂昇平同歸化育一句如何舉唱下座就大  
佛寶殿啓建天壽聖節

大德七年八月二日護持聖旨到山領衆望闕謝恩  
罷上堂說偈云平生抱憾拙必意安林丘磐陀一片  
石松下聊優游迴鸞五色詔警衛來巖幽天恩浹肌  
骨淺薄將何酬願君為堯舜願臣為伊周金枝與玉  
葉光耀千秋萬民瞻杭稔四海銷戈矛竺僊正法  
眼如水常東流

示衆從古至今人多錯認還有一法遮障得個麼還  
有一法羈絆得個麼自是個突然起得如許頭角無  
羈絆中纏成羈絆無遮障中纏成遮障一切時一切  
處粘作一團不得自由自在個若是箇丈夫當下一  
刀兩段盡十方世界是箇自己盡十方世界是箇坦  
赫虛空盡十方世界是安居之所禁足之場三世諸

佛六代祖師是甚。撥洗脚水。漢又何必分期立限。畫地爲牢。無繩自縛。若乃未得如斯。長期百二十日。中期百日。下期八十日。教有明文。依而行之。

端午上堂。五月五日。端午節。艾虎。桃符。總休說。鳳山只箇金剛王。百怪千妖俱殄滅。江南兩湖春寒秋熱。觀世音菩薩。將錢買胡餅。放下手。却是生鐵。

上堂拈拄杖云。有物先天地。無形本寂寥。能爲萬象主。不逐四明凋。卓一卓。傳大士。騎牛入。備鼻孔去也。開爐上堂。舉雪峯云。三世諸佛。向火燄上。轉大法輪。雲門云。火燄爲三世諸佛說法。三世諸佛。立地聽應。庵云。三世諸佛。爲火燄說法。火燄燒殺三世諸佛。師云。三大老。一人鼻孔。遼天一人眼睛。突出一人脚跟。不點地。諸人若也。揀辨得出。鳳山今日開爐。其或未。然前頭大有雪霜在。

上堂舉世尊。一日以兜羅綿手。舉金色波羅華。普示大衆。時迦葉破顏微笑。世尊云。吾有正法眼藏。涅槃妙心。付囑於汝。師云。盲引衆。盲相牽入火坑。示衆日月逝矣。歲不我與。它俗人家。尙乃說到者裏。

人身難得。佛法難逢。我沙門釋子。合作麼生。如今兄弟。纔入門。便道生死事大。無常迅速。口裏說得分明。肚裏全不理會。永嘉到六祖當時也。只恁麼道。六祖云。何不體取無生了無速乎。永嘉云。體本無生了。本無速者。裏須是箇人。始得若乃。顛預佛性。備侗真如。閻羅老子。索汝飯錢。有日在。莫言不道。

臘八上堂。未到雪山。脚跟下好與三十。既到雪山。脚跟下好與三十。夜半見明星。脚跟下好與三十。更有三十。山僧自喫釋迦老子。無分何也。有功者賞。上堂。一年十二月。一日十二時。年與月相逐。日與時相隨。人間年月。盡地府來。勾追無常。捷疾鬼。頃刻不暫違。參玄諸上人。早早當知之。臨渴乃掘井。掘之徒爾爲。

上堂舉德山。一日飯遲。自掌盃。至法堂上。雪峯見云。這老漢。鐘未鳴。鼓未響。托盃向甚麼處去。德山便回。峯舉似巖頭。頭云。大小德山。不會末後。句山問令侍者。喚巖頭。至方丈。問爾不肯。老僧那巖頭。密啓其意。山至來日。上堂與尋常不同。巖頭到僧堂前。撫掌大。



笑云且喜得老漢會末後句。它後天下人不奈何。雖然如此。只得三年。師頌云。大治洪爐烹佛烹祖。乾旋坤轉兮。非可測量。電激騰馳兮。豈容吞吐。韓獪逐塊空一時。俊體摩霄自千古。明眼衲僧莫弄。園

上堂。舉文殊令善財探藥云。是藥探將來。善財徧觀大地。無不是藥者。却來白文殊云。無有不是藥者。文殊云。是藥探將來。善財遂拈一枝草。度與文殊。文殊接得。示衆云。此藥亦能殺人。亦能活人。師云。善財解探不解用。文殊解用不解探。以致盡大地人。病在膏肓。大衆且道。謂訛在甚麼處。猴愁攫搜。頭狗走抖擻。口

上堂。衆纒集。乃顧視左右云。幸自太平無像。何用好肉。剗瘡便下座。

受杭州路中天竺寺請別衆上堂。我昔來禹泉。四年八箇月。打鼓弄胡猴。日夜不知歇。朝廷公道開。分條遇明哲。拯弊除貪婪。蒐賢選英桀。胡爲天竺峯。而乃付愚拙。官差逼殺人。不容更分說。束包登前途。聊與衆人別。千歲禪巖跳。上天六月火雲飛。瑞雪

慧文正辯佛日普照元叟端禪師語錄卷第二

住杭州路中天竺萬壽禪寺語錄

門人 曇暉等 編

師於大德九年五月十六日入院。指山門云。重重無盡樓閣門。只此一門而入。喝一喝。

指法座從上老秃奴向者。裏轟青天霹靂鼓。平地波濤新長老。別資一路去也。驟步云。一二三四五。

升座拈香。蘊盤古開天。正氣仰之彌高。鑽之彌堅。均伯禹敷土。大功溼而不緇。磨而不磷。蘇向寶。爐端爲

祝延大元世界。主當今皇。帝聖躬萬歲。萬歲。萬歲。萬歲。陛下。恭願自西自東。自南自北。咸歸有截之區。乃聖

乃神。乃武。乃文。永享無疆之祚。次拈香云。此香讚之。則眼瞎耳聾。謗之則口啞舌秃。三世諸佛。六代祖師。

一時現前也。只瞻仰有分。奉爲前往徑山。臨濟直下。第十五世。藏叟大和尚。一爐蘇却。垂語云。刮龜毛於

鐵牛背上。未是作家。截兔角於石女膏邊。亦非好手。莫有總不與麼者麼。出來證據問答不錄。師乃云。豁

開正眼。千差路絕。淨保保。包含萬有。赤洒洒。融攝十  
虛離相。離名非語言。可造透聲透色。非寂嘿。可通不  
是心。不是佛。不是物。天地以之覆載。日月以之照臨。  
諸佛以之出世。祖師以之西來。世主。今上皇帝。以之  
垂衣御極。合朝勛貴。以之致君澤民。千歲寶掌。以之  
悟明心地。成大道場。提本分。錙銖碎。聖凡窠臼。便乃  
道宅。年吾道重興。日枯木華開。別是春端。上座以之。  
克紹芳猷。遠離鳳山。竟登鸞嶺。直得猿吟。古木鶴唳。  
長空白叟。黃童咸歌。至化當此之時。畢竟功歸何所。  
九天雲盡。處紅日上龍樓。

小參一切諸法。本無自性。亦無生性。菩提涅槃等名。  
從淨法中得。貪瞋愛取等名。從穢法中得。淨穢兩邊。  
俱莫依怙。但有空名。名字亦無。三藏五乘。十二分種。  
種名。言種種句義。總不出此箇元由。所以古聖有言。  
若心相所思。出生諸法。虛假皆不實。心尚無有云何。  
出生諸法。如人取聲。安置篋中。又如吹網。欲令氣滿。  
此是誦實之說。若以爲實。大錯了也。開山寶掌和尚。  
年一千七十二歲。三藏五乘。十二分種種名。言種種。

句義。靡不練磨。靡不究竟。後於梁武城中。得遇缺齒  
老胡。方乃頓明大法。不是容易。直須仔細。復舉寶掌  
和尚偈云。梁城遇導師。參禪了心地。飄飄二湖游。更  
盡佳山水。師亦說偈云。參禪只要了心地。心地了時。  
諸法空。南山昨夜日卓午。白額咬殺焦尾蟲。

上堂。再留兩序十五日以前。如龍得水。十五日以後。  
似虎靠山。正當十五日。是法住法位。世間相常住。青  
蘿黃絲直上寒松之頂。白雲澹泞出沒太虛之中。

元日上堂。昨日喚今朝。作新歲。今朝喚昨日。作舊年。  
且如何是物不遷義。擊拂子。嶺上寒梅。纔破雪。城邊  
楊柳。已含煙。

上元上堂。盡大地是一椀燈。三世諸佛。六代祖師。天  
下老和尚。在燈裏。橫屍露骨。進一步。築碎釋迦腦門。  
退一步。踏折達磨脊梁。不進不退。坐在臨濟德山鼻  
尖上。且作麼生。得平展。去良久云。海枯終見底。人死  
不知心。

上堂。道遠乎哉。觸事而真。聖遠乎哉。體之則神。山是  
山水。是水僧。是僧俗。是俗。大盡三十日。小盡二十九。